

Osee

Di mpátíri tɔ̀ t̀̀ ń́aàntì

Osee do tú Kuyie mpāānāāntì nāāntò nwe, kè kùu ò tōnní Isidayeri kó dikpààtiyuu kubakù yóu kperi mièkè, kòo bo bè nàké kù ò nàké tì bɛ kpéí. Kòò ndè bo kɛ dɔ̀ yɛbie nsipísíde nè yènùmmù kè Asidii kɔ̀bɛ yàa pɔ̀ntenè de kó dikpààtiyuu.

De kó dimònnì diheì do bo meborime yɛime mièkè nke mediè. Asidii kɔ̀bɛ kó behāpòmbè bèè do bè ā mudoò. Kè mufòmmu yɛimu mmómmú kɛ sũũmmu Isidayeribɛ. Dèè né do dɔ̀kɛ ntú deyɛire deè tu benitibè do yóumè bè bo ntámè Kuyie nke né ntũ nKannahā kɔ̀bɛ kó yɛbɔ̀kè. Nè de kpéí nkè Kuyie nní ndó Osee puokɛ onitipòkù wèè dɔ̀uti dɔ̀utinè benitidaabè kè dèɛ benke meborime yɛime bè kù dɔ̀rimè. Kuyie nfěũrìmu ku nìtìbè kpéí mbè í yíèmmè ku kpeti. Kuyie nné yému kɛ dò nku nìtìbè bo kù dɔ̀kɛ. Osee né náá ntì benitibè tu bèɛ dɔ̀kɛ Kuyie.

Di mpátíri nāāntì duó kɛ dòmmè

1. Osee yàmè dɛnde bàmbà mmeɣĩtímè 1-3
2. Isidayeribɛ seimmè Osee 4-8
3. Kuyie nyóó potémè Isidayeribɛ 9-10
4. Kuyie ndómè ku nìtìbè kè dè í mɔ̀kɛ kumànkù 11:1-13:8
5. Isidayeribɛ yóó wète kékarimè bɛ tenkè 13:9-14:10

¹ Sudaa kpààtìbè Osiasi nè Yotammu nè Aasi nè Esekiasi bè do cɔ̀ú dìl mònnì betɔ̀bè dikpààtiyuu

miεke Sudaa kabe kó dikpààtiyuu miεke, kè Soasi
bire Sedoboammu ntú Isidayεεribe kóo kpààti. Kè
ti Yiè nKuyie mbéinnè Bedi bire Osee.

*Osee puokemè onitipòkù wèè dauti dautinè
benitidaabè*

² Kè ti Yiè nKuyie nni nyóó keté kù bo béinnèmè
ku nìtìbè kénáké Osee ke dò:

Osee! Kετε kétúóté onitipòkù wèè dauti dautinè
benitidaabè
kè dì da pié idacēmbí,
ke yé dihei dii nkabe duómme bemáà mubɔɔféú,
ke m bütinné, mí ndi Yiè nKuyie.

³ Kòo kετε kétúóté Dibadaimmu kóo sapàà
nKomεε, kóo puoke kè wèè ò peité denitidabire.

⁴ Kè ti Yiè nKuyie nhò nàké ke dò:

Yú de kó debire ke dò: Sisedεedi.
Ke yé dè kpaà sám̀pó nwe kè m poté Yeuu cīètè,
ò do còú mmèè nitiyī nSisedεedi èi miεke me kpéi,
Isidayεεribe kpààtiyuu bo kpánné.

⁵ De yiè bo tuεke dii yiè
m bo kéété Isidayεεribe kpàrītāmmù
Sisedεedi biriku miεke.

⁶ De kó difōnkúò kòo yé kápúó nképeité
denitipobire, kè ti Yiè nKuyie nnáké Osee ke dò:

A dè yu ke dò: Mpě.
Ke yé mesémme ténke í yóó nni mbonèmè
Isidayεεribe,
n ténke í yóó bè cīé.

⁷ Kè Sudaa kɔbe biε, n yóó bè kuómmu mmesémmè ké bè deeté, mí mbe Yiè nKuyie mmîl bè te. N yí yó ntɔ mutāmmù yoo disiè, yoo n doké ké bè deeté, yoo n deke sikipàrisēī, yoo n waá mbesāndèèbè.

⁸ Kè weè Mpè nkóté kòo ò càté ke yíé kúpúó nképeité denitidabire. ⁹ Kè ti Yiè nKuyie nhò nàké ke dɔ:

Yú we ke dɔ: Okpákpàrì,
ke yé díndi Isidayεeribe
di ténke í túmè n kɔbe,
m me nténke í bo di kpéí.

2

Kuyie nnàkémmè Isidayεeribe yóó dimè diwèl

¹ Kè Kuyie mbéi nke dɔ:

Diyiè mari bo mbo kè Isidayεeribeε sũũ ndàméèrì
nùù kó mubirímú kōme,
ke bá ndò nkéna kékaa nkédeè.
Bè do bè yu dè ke tú bekpákpàribè,
bè bo bè yu de ke dɔ:
Kuyie nfòùkù kó ibí.

² De mōnni Sudaa kɔbe
nè Isidayεeribe bè bo wēnné,
kéwaá nhokpààtì omáà,
kéyè be tenké,
de kó diyiè bo ndeu, bè di ntú Sisedeεdi.

³ Nákénè di tebii bekpákpàribè ke dɔ,
bè tu n kɔbe, kénáké di tābè bè do tú bè Mpè
ke dɔ m bè dómu.

Kuyie ndònnennèmè Isidayeeribe onitipòkù wèè dauti dautinè benitidaabè

⁴ Kè Kuyie mbéinnè Isidayeeribe ke dò:
Seinnè di yǎ. Seinnè di yǎ,
ke yé ò ténke í túmè m pokù,
m me n ténke í tú o dǎu * Yìè nKuyie nke tǔnne
yebókè (Wénté Isaii 1:21, 23:17, Esekieri
16:15-43, 23:22-49).

Wèè deite o ìkè dèè benkú ò dauti dautinèmè
benitidaabè
kédeite o me saku mecannimè mèè benkú ò
yùúkúmè benitidaabè.

⁵ Kè mèè dake m bo ò dàté kécónnò o tetìrì
m bo duś nkòo naá mbe do ò peiní kòò dòmme.
M bo duś nkòo naá ntédǎntè,
kòo feitóo tédǎntè kǎme,
kè sinéyǎ ò kù.

⁶ O bí, mesémme í ì nni mbonè
ke yé ì tumè onitipòkù wèè dauti dautinè
benitidaabè o kó ibí nyi.

⁷ Be yǎ dauti dautinè benitidaabè mbe,
wèè bè peité ò dǎdri ifei kperè nde,
ke náá nke tú: N dǎ kéwammú yedacǐè
kè yé nni nduò mmudiì nè menie,
ke n duò ntipecìtì nè mmupààkonkperímù.
Ke n duò mmekùò nnè menaà.

⁸ Dèè te kè n yóó pii nho ce tipotì,
m bo pénné kunaàsìmpérí kéfité,
bá ò ténke báá yà o ce.

* **2:4** De kó yenáàhkékè nàá nyIsidayeeribe yóumè mme be

9 Ò bo ntũ nho dacĩè nkédónté,
 ò bo yè wammú kémónté.
 Dε mǎnni ò bo yĩ:
 M bo wēte n dǎu ketiwè borè,
 n do dε nyo ndiwèi kε pēēté di mmǎnni.

10 Ò í banté mǐi do ò duǎmmè mudii
 nè mǎnǎà mpǎmmè nè mǎkǎsǎàmè.
 Kè mǐi nhò duǎ ntimǎtì péitì nè mǎsǎǎ.
 Kòò dè tòú kε dǎǎrinè Baadi kó tibǎǎnǎntì.
 11 Dèè kpéi nte kè n yóó fietε n diitì dididèi mǎnni,
 kè bè tǎũ fínyĩ kó yεbε kε dǎǎ mǎnǎà,
 n cǎuté n nǎà, kéfietε m pecitì nè
 mupǎǎkonkperímù
 kó tiyǎǎtì ò daati dè kε kǎnkù o fei.
 12 M bo feinko o fei o dacĩè nyìkè,
 bε kóo mǎu mε mbáá nǎ kóò fietε.
 13 M bo dεite o wèi dimǎu nè o bǎa nyemǎu,
 otǎnkù pǎnwè kpεyε nè sionǎpùsi kpεyε nè yεbǎa
 ntεyè.
 14 Kòo pǎa nfínyĩ nè fikìè kó dεtie ndo borè bo
 dǎúńko,
 ò do tú dèè tu ticuuti o dacĩè nhò cu tì,
 dε kó dεpǎa mbo nǎá ndikpǎà kè tikpasĩntì dè
 cǎáké.
 15 Ò dǎǎ dè, mǎfiè nhò do tùóté mè,
 kémpǎǎ ndibǎǎ Baadi yεpǎrè,
 kε ũ dεmǎmǎnnè kε duuku mǎdèi,
 kε tũ nho dacĩè kε n yè.
 M bo dè nhò yietí.
 Mí ndi Yìè nKuyie mmǐi búi.
 16 N yóó ò nǎ mǎciì mme,
 kóò tannè dikpǎà kéwēte kóò beí.

17 Dε m̀nǹǹ k̀ n yu ẁe yie nh̀ do d̀mm̀ ̀ bε nd̀i
 m̀nǹ,
 o ỳt̀ǹ d̀i m̀nǹ Esibiti.
 K̀ n ẁtε k̀ k̀ t̀nǹ o paa nf̀nỳ k̀pεε,
 kε mεs̀ n ẁtε k̀ỳnǹ Ak̀ biriku.

Kuyie nyóó ẁtε k̀taunǹm̀ Isidayεribε

18 K̀ ti Ỳ nKuyie mb́i nkε d̀:
 Dε ỳ k̀r̀ǹmu k̀ bo nni nyu kε t̀: N d̀u,
 ̀ t̀nkε í ỳ nni nt̀: N ỳ mBaadi.
 19 M bo dεitε Baadi k̀ diỳt̀r̀ o ǹu miεkε,
 dε k̀ yεb̀k̀ botí b̀ t̀nkε í ỳ ný yε ỳt̀.
 20 Dε ỳ m bo b̀ d̀nǹ mεtaumm̀,
 bεmbε ǹ dεs̀nnε ǹ tikpas̀nt̀
 ǹ tiǹt̀ ǹ dεbambaanǹ
 kε d̀ yie nkε m bá mb̀ d̀r̀ mεyεi.
 M bo k̀k̀ dεkp̀r̀t̃anǹ ǹ yεkp̀r̀isε k̀ mudoò dεe,
 k̀ n ǹtib̀ ní nduó p̀t̀̀, kε í ỳk̀.
 21 Díndi Isidayεribε m̀ ỳ di puokε
 k̀ ndi po s̀a,
 k̀ di d̀r̀ d̀ b̀k̀m̀,
 kε di náá ntiḿmm̃nti
 kε di d̀.
 Kε di kuò mmeśmm̀,
 22 M bo ndi po kε di wetí
 k̀ dí m banté mí ndi Ỳ nKuyie.
 23 Dε ỳ m bo c̀utε n k̀bε báamm̀i,
 k̀duó nkὲnkε yεwεt̀,
 kε kὲnkε duó nkεtenkε fεtaaf̀.
 Mí ndi Ỳ nKuyie mm̀ b́i.
 24 K̀ ketenkεε pεitε tidiit̀,
 kε f̀nỳ pεitε yεbε b̀ d̀r̀ǹ ỳ mεnaà.
 K̀ odíf̀ pεitε bε diiǹ ỳ mεk̀.

25 Di bo sũũ ndihèi,
 kè mesémmè m pĩnnè wèè yètìrì do tú Mpè.
 Kè n náké wèè yètìrì do tú okpákpàrì kè dò:
 A tú nkou nwe. Kòò dò:
 F́ nKuyie nf́òò n te!

3

A bo tũntemè metaummè m̀̀è t̀̀t̀t̀è d̀̀è m̀̀àk̀è tiyeti nti

¹ Kè ti Yiè nKuyie nni nnáké kè dò: Kòtè k̀̀eẁ̀t̀̀t̀è k̀̀ét̀̀úó́t̀è a pok̀̀ù, ẁ̀èè da yet̀̀t̀è k̀̀e waá nyedacĩ̀. Dòk̀è we mí ndí Yiè nKuyie n dó m̀̀è botí Isidayeerib̀è, bá nè bè m̀è nni mb̀̀t̀̀t̀nném̀è k̀̀e tũ nyebòk̀è Baadib̀è, ỳ̀èè nònnè f́inyĩ * kó yekàtìndà. ² M̀̀eǹ̀m̀è k̀̀è n kòt̀è k̀̀é bè yietí m̀̀edítibii ntepiítè nè m̀̀eǹ̀ǹmm̀ù, muyuo cìdòò tek̀̀òùt̀è nè sipìsìǹ̀mm̀ù (150), ³ k̀̀édeè kòò nàk̀è k̀̀e d̀̀ò: Á mbo diè nkém̀̀ont̀è, a báá ndòuti d̀̀òutiǹè benitidaab̀è, a báá yie nhòm̀̀òù, m̀̀ m̀̀únk̀è í yóó nd̀è d̀̀òòri.

⁴ Kè ỳ̀é yebie mmaỳè mièk̀è Isidayeerib̀è yó mbom̀è, k̀̀e í m̀̀àk̀è okpààtì yoo tekpààtìbit̀è, bè í yó nni nfeu iwũò, bè í yó nfiiku yetár̀è, k̀̀e bo ndennini mí mb̀è Yiè nKuyie nkpeí, ikuó nùtì í yó mbo, bè í yó mmòk̀è sitenkaanì. ⁵ Isidayeerib̀è bo ẁ̀t̀è, k̀̀é n wammú mí mb̀è Yiè nKuyie, mí nwèè bè te, k̀̀éwammú b̀è kóo kpààtì Dafiti. D̀è kó yewe bo p̀̀è̀t̀è k̀̀è bè nni nwanti k̀è kpeutí k̀è dó n kó mesàà.

* **3:1** F́inyĩ kó yekàtìndà: Ibòkuó màì nyi. Benitipòbè beè do ò mpāā ndibòò bè tu di Asitaritee d̀è kó yekàtìndà.

4

Kuyie nkpannè tì Isidayeeribè

¹ Kè tì Yìè nKuyie mbéi nke dò:

Díndi Isidayeeribè kénténè kékeè n dó ké di náké tì,

òmòu ténke í dǎori dèè sìé,

òmòu ténke í dó otòu.

Òmòu ténke í n yé dihéi dii mmieke.

² Bá wè ò ǎ mparìkumu ke né sou,

ke kòu ke yuuku,

bemou kè bè dǎuti dǎutinè betòbè ke yóu mmèdiè.

Ke kòu benitibè.

³ Dèè kpéi nte kè dihéi dimou kàri mukũũ nkè

benitibè dèu

ke taunnè tikpasĩnti

nè tinòti nè siyĩ.

Kuyie nkpannè tì ikuó niùbè

⁴ Kè Kuyie mbéi nke dò:

Òmòu í dò nké n sei,

yoo wè n kpannè,

fǒ nyikuó niùti dièwè n sei fǒ nwe!

⁵ A bo nkérí kuyie ncuokè kébété,

kè m pǎánáàntì náàntò nkérí keyènkè kébété,

kè n kuó a yǎ.

⁶ N nìtibè kǎ mbe í yé mèè kpéi nke n náàntì.

Fǒ n kuó niùti a mómmuó nha í dó ké n yǐtété.

Nè de kpéi n yóó da deitemu n kuó tǒmmú mieke.

A mè n yèmmè mí nKuyie mmí nwèè da te,

n yóó yèmmu a bí kpéi.

⁷ Bè dǎori meyei mme nè bè baa bomè.

M bo deite be sǎnni kè bèè di ifei.

⁸ N nìtìbè feu ìì wũṣ meyei ntũntimù kpéí mbè de
nyonnè,
dèè te kè bè dọ̀ bè ndõori meyei nkè bè pèú kè yo.

⁹ Mèè yei ndoti n nìtìbè,
mèè doti ikuó nìùbè,
n yóó bè yietímu be yei nkè f́́ó
mbè yei mbè d̀̀̀̀ mè.

¹⁰ Bè yo nkè í diè,
kè nyóu kè tũnne yebókè bá bè í sũũnko.
Ba nte?
Bè ténkè í n dé mèè kpéí nkè mí mbè Yiè nKuyie.

¹¹ Bè dauti dautinè betòbè mbè
kè nannè yenaekote nè menapàmmè,
dèè bè fènte.

¹² N nìtìbè né bekù be pãadò nye
ideí ìì bè nàá mbè kpeti.
Kè mubooyaá mbè ta kè bè fétinne,
kè bè dèténè Kuyie nkè tũnne yebókè,
mí nKuyie mmí nwèè bè te.

¹³ Yetārè ñnkè nkè bè feumè iwũṣ,
kè tuò mmekùò nsitáá ñnkè nè yetòrè kó detedierè,
kè nannè de kó medéè nkó mukàrimù,
dèè te kè be kó besapàmbè nè be còòbè kè be d̀̀̀̀ri
debòkperè.

¹⁴ M me nyí yóó bè poté bè dauti dautinè mèè kpéí
benitidaabè,
n yóó poté ikuó nìùbè mbè,
bembè bèè ẽẽ kenténè benitipòbè bèè dauti dautinè
benitidaabè
ké bè toténè n kó mudì.
Kubotí kuù nkòbe í baàtì, bè fetimu.

Kuyie ncaummè Sudaa kòbe nè Isidayeeribe

15 Kè ti Yiè nKuyie mbéi nke dò:
 Isidayεεribε dauti dautinè betabè mbe,
 díndi Sudaa kabε di báá bè teeté kédòò meyei,
 di báá kabε Kidikaadi,
 di báá deke Bεti-Afenni.
 Mí nKuyie m bomu,
 òmòu báá parikènè n yètìrì.

16 Isidayεεribε to kpeñnì kunaàwàátíkù kpeye
 kōme mme. Mí ndi Yiè nKuyie m bo bè yóu kè bè
 ncentì bè dómè dipebii kōmaà? 17 Kè Isidayεεribε
 taunnè yebakè dí mbè wùó. 18 Bè ò nyóó yènnì
 tinaàyákémuóntì miεke ke ta munitipowammù
 mmu, ke dó ifei kpeε kè dè pēēté be kó disānni.
 19 Kuyaakù kuù yóó bè tùóté tefòdóntè kōme kè ifeii
 bè pññè iwũò bè feu ì.

5

Kuyie nkpànnè tì ikuó niùbè nè bekpààtìbè

1 Kè Kuyie mbéinnè ikuó niùbè nè Isidayεεribε
 kpààtìbè ke dò:
 Díndi ikuó niùbè, kénténè kékeè!
 Dòònnè meyoòmmè díndi Isidayεεribε kpààtìbè,
 keènè n yóó di náké tì.
 Díu dō dō nkébenke benitìbè dèè sié.
 Kè díu né naá mbe kpéí timátì dindíintì Misipaa èi
 miεke,
 ke naá nticùòtì Tabòò tārì.
 2 Di keù difòtìrì cūmpuri ndi Sitimmu èi miεke
 kè n yóó di poté dimòu.
 Mí ndi Yiè nKuyie mmû búi.

3 Díndi Isidayεεribε n di yému.

Isidayεεribε n yí di biinninè,
 Isidayεεribε di tūnne yebəkè nye,
 Isidayεεribε di sãũ dimáà ndi.

⁴ Isidayεεribε di dɔ̀̀rì m̀̀è í yie
 ke di bo wētení m borè,
 di bo ndɔ̀̀utinè m̀̀è ditɔ̀̀bè de kó meyèmmè meè di tɔ̀,
 kè di í na ke m banté mí ndi Yìè nKuyie.

⁵ Isidayεεribε di kó tefentè teè nàké di kpéi
 Efadaïmmu kɔ̀be nè Isidayεεribε di yei meè di bɔ̀.
 Kè Sudaa kɔ̀be múнке di tūnne ke do.

⁶ Di bo n wammú ke fíé ipe nè inààke
 ké m mɔ̀nté ke yé n yìtémè di cuokè.

⁷ Di n ciitému mí ndi Yìè nKuyie nke dɔ̀̀utinè ditɔ̀̀bè
 nke pié de kó ibí,
 nè de kpéi otánkù pànwè kó dibanni bo di neinè,
 díndi nè di kperε.

*Kuyie n nàkémè Isidayεeri kɔ̀be nè Sudaa kɔ̀be mu-
 doò kpéi*

⁸ Kè tí Yìè nKuyie nni mbéinnè ke dɔ̀:

Eénè ditāteheù Kibea èi miεke!

Eénè tekpàriheutè Damaa èi!

Poténè teíkòntè Beti-Afenni èi.

Bensamεε kɔ̀be! Nè di ìnkè nke.

⁹ M bo poté dii yìè Efadaïmmu botí kɔ̀be,
 be èi bo dɔ̀ũnko.

N náá ntì Isidayεεribε tì tu timómmɔ̀nti nti.

¹⁰ Sudaa kpààtìbè tu bèè taà bèmbε betɔ̀bè kó sibaa
 miεke,

Nè de kpéi m miεke bo bè dàtínné menie nhõõ tamè
 kukó.

¹¹ Isidayεεribε díndi bèè do fěũnko betɔ̀bè,

di mmònni di fěũrì mèè fěũtímè di mè mǎnnèmu,
di tũ ndetetirè kperè nde sǎǎ.

¹² N yóó naá ndimǎnsĩnni ndi

Isidayeeribe kpéí,

Sudaa kǎbe bo yà, kùù yonku bo ndònnè kuniny-
onku ǎ ndòmmè,

¹³ Isidayeeribe bantému be mǎmmú,

kè Sudaa kǎbe yà be yonku.

Isidayeeribe biè né kòte Asidii nwe

okpààtì dièwè borè, ò me mbáá na kétaa mbe mǎnni
ò báá na kédeite be yonku.

¹⁴ Mí nKuyie mmũ di do

díndi Isidayeeribe dimannì tēmè,

mũ do Sudaa kǎbe dicìrícìribii kǎme

kè m pĩ nke aaké ke kéri,

we mbo na kéfiete?

¹⁵ N yóó bè yóumu kékò nkénkémmú

bè bo bantémè be caàrìmè, ké n wammú.

Bè bo ta dii mǎnni meyeñcaàrìmè mièke bè bo n
wammú.

6

Bè dǎdǎmè kéndò mbè wěte ke taunnè Kuyie

¹ Mēmme kè bèe náké bɛtɔbè ke dò:

Tí wěte ti Yie nKuyie mborè,

kuù ti poté kuù me nyóó ti mièkùnnè,

kuù ti kòute kè kuù yóó ti taa.

² Dè bo nyóó yĩ yewe yèdèè

kè kù ti fòukùnnemu,

diyiè tǎǎnni kè kù ti íi nkè tí nkù wěnné ke fòu.

³ Ti bantému ke dò nKuyie ntu Kuyie,

yetenko ke tí kù banté.

Ti yé̃mu ke dò ndè ɔ̃ biite kéwenté
fẽnkèmbóntaafè ɔ̃ yɔ̃ɔremè ketenkè
fè ɔ̃ kɔ̃tenímè ku kperɛ yó mme ndò
kù í yóó pàà kù bo kɔ̃tenímè.

⁴ Kè ti Yiè nKuyie mbéi nke dò:
M bo di yĩme díndi Isidayeeribe nè Sudaa kɔ̃be?
Di n dó kè dè pɛ̃nkù mɛ̃cãã mme yekũnwentéwɛ̃tè
tɛ̃mè,
ke dò ntimaantì dòmmè ke ɔ̃ màntè kéyote dende
bàmbà.

⁵ Dɛ̃ te kè m pã̃nã̃antì náam̃bè di kòurì,
kè n di kùò páíí nè tiná̃antì tìi yìèò n nùù miɛke.
M beéntì dò m̃páíí nwe diwennécànni kōme.

⁶ Di bo nni ndómè dɛ̃ n naati,
dè í tú di n feumè iwũ̃ ke tuò.
Di bo bantémè ke dò n tú di Yiè nKuyie ndɛ̃ n naati,
ke pɛ̃tè di bo nni nfeumè iwũ̃ ke tuò.

Isidayeeribe dò̃ri m̃è yei

⁷ Kè Kuyie mbéi nke dò:
Di t̃ũ̃ m̃è botí metaummè di d̃ɔ̃rinè̃mè dit̃bè
m̃è botí nku di t̃t̃emè n di d̃ò̃nè̃ m̃è taummè.

⁸ Kadaadi èi tu m̃eyei ndò̃rìbè kperi ndi,
menitiyĩ̃ nníéké di.

⁹ Kè ikuó nù̃bè naá mbenitikò̃bè,
ke oke Sisemmu kó kuce ke kò̃.
Dè̃ dò̃ri Sisemmu kó kuce dè í dò̃ nkéyà.

¹⁰ Isidayeeribe d̃ɔ̃ri is̃ake kperɛ ndɛ̃,
bè d̃outi d̃outinè̃ bet̃bè mbɛ ke tònne Isidayeeribe
bem̃ou.

¹¹ Díndi Sudaa kɔ̃be m bàátímu ke bo di k̃ũ̃ tidiiti
kōme.

⁸ Isidayeeribe kəərənè ibotí tɛi nyi,
ke sàáténè kupémpɛ́nkù bè í pèe nkù.

⁹ Kè bɛpàðbè dèu bɛ wɛ́rímu bá bè í yé,
kè tiyùpéítì keté bɛ yò ñnkè bá bè í dake.

¹⁰ Isidayeeribe fentè tɛè nàké bɛ kpéí.

Bè mɛ nyí wɛ́tɛní mí mbɛ Yiè nKuyie m borè.
Bá nè tìi kó dimàà bè tùðkɛní ti miɛkɛ, bè í n wammú.

¹¹ Isidayeeribe yɛimmu ke dònɛ̀nè dikpɛ́tínónkperi,
bè í mɔ́kɛ mɛyèmmè bè kòtɛ Esibiti nwe nè Asidii
ke wanti mɛtɛèmmè.

¹² Kè bè dɔ́ bèɛ cuó nkèè bíékè,
m bo bè bɔ́nté ticùòtì,
kè tìi bè pĩ ntinòtì kōmɛ,
kè m bè tié mbè dàò mèè yɛi nkpeí.

¹³ Di bo yà díndi Isidayeeribe,
di í mɛ ndómè ke n tóónnè,
di mè nyetɛmè n kpɛti, di kó dihèi bo dɔ́únko.
Di yèmmè dò ndi bo nni sou nkè n di dɛɛtáà?

¹⁴ Di í n kuònnè di yèmmè mɛmɔu,
di ñ nkuò nkɛ mítírì di dúò ñnkè ke yóú dimáà,
ke dɔ́ tidiitì nti nè mɛnaà,
di í dɔ́ n kpɛti.

¹⁵ Míi do di tié nkɛ di duò mmuwɛ́rímu,
nè mɛmmɛ kè di dɔ́ kéndòò mɛyɛi.

¹⁶ Di wɛ́tiní Baadi borè ndɛ, dè í tú m borè
di dònɛ̀nè mutāmmù mùù kèété mùmmu ke díí,
bè yóó kuò di kó bɛkpààtìbè nè yɛsè nyɛ,
tináányɛiti di n nàké tì kpéí,
bè bo di daá Esibiti èi miɛkɛ.

8

Kàa buotí kuyaakù a yóó kōũ tɛfɔ́dɔ́ntè nte

¹ Kè ti Yiè nKuyie mbéi nke dò:
Eénè ditāteheù meyei mmèè doti n kabe èi fēcīrifē
kōmē.

Bè cààrè mèè kpéi mmetaummè n do bè dònè mè, ke
yete n tié.

² Bá kè bè dó bè n kuónnè mèè botí ke dò:

Áú! Kuyie, tínti Isidayeeribē ti da yēmu,
fǝǝ ti te.

³ Isidayeeribē yete mesàà mme mudòrìmù,
dèè te kè be dootitabè bè bètì.

⁴ Bè pǝrmú bekpààtìbè, bá bè í m beé,

ke tǎnké benìùbè, bá n yí yé,

ke tùóté be mǎtì pǎitì nè be sǝ nke dǝrinè
sitenkaanì,

kè sǝ bè fétinko.

⁵ Sammarii kabe!

Di kó fēsǝmátìnààfē fenfē n yí fē dó fenònfē,
m mieke kèè di yè.

Dè yó nkǎáké de kè di yóu di bo ncaàrìmè?

⁶ Díndi Isidayeeribē dǝ dǝ de kó fēsǝmátìnààfē,

fèè bo Sammarii fè í tú Kuyie,

fè bo pǝnte kǝyǝurē yǝurē.

⁷ Di buǝtí kuyaa kù nku ke yóó kǝǝ fefòdónfē,

Dikotinùù marì de ntú:

kè tiyòùtì í òte mebii mbè ǝǝ í ntì nàa mmuyuo.

Bá kè tì keté ke dó tì pǎité, bepòòbè bèè yóó tì di.

⁸ Ibotí tǝi ìi tieke Isidayeeribē,

kè bè bo i mieke,

ke dò nkunenkù be ténke í dó kù.

⁹ Nè bemàà ndi bè kòtemè Asidii.

Bè í tǝkunè fēsèfē ke fē pǝ,

kè Isidayeeribē biè né do ntinépotì.

¹⁰ Kè díndi baa dó dí mbe cu ticuuti,

di wētīmu Esibiti yoo Asidii.
 Di yó nke nyo ndi cìrìmù ke sãũri dimàà.
 Tì diiti yó nsànnè bè bo nyommè mää ndi
 bè í yóó pété kètannè n cīètè miēke.

⁴ Isidayεεribε ténke í yó nni
 m pãã ntidiiti bè yœœrε tì mεnaà,
 yoo bè n fié iwũõ kè n dè cœuté,
 be kó tidiiti yó ndò ntikúdiiti nti,
 kè wèè tì di ò sīntemu,
 bè n yo mbe diiti bεmää bè báá tì tanné mí ndi Yiè
 nKuyie ncīètè.

⁵ Di né bo nhōmmε yεbaa nkó yewe?
 Di bo yīmε m banni yiè?

⁶ Di coké mεyεi mbo di domè mmε yáàba?
 Esibiti yóó di cóutému kè Manfisi εi ntú di kó kufāti,
 tisāmpotì bo dátínné di nenti sààti,
 kè tipotì dátínné di cēi.

⁷ Dè tùðkemu mí ndi Yiè nKuyie m bo yūš ndè di to,
 dè tùðkemu m bo di bekénè dè,
 di dò nké tì bantému dīndi Isidayεεribε.
 Dīndi bèè nàà nke tú m pãānāāntì nāāntò tu
 kuyεīnkù,

kòo yuwúòntì í yé o yèmmè.
 Di yei ndeu ke māmè di yēiti yó mmε mmà.
 Di ò ní mmèè kpéi nte kè di náá mmεmmε.

⁸ Mí nKuyie mpãānāāntì nāāntò,
 Kuyie nkuu yē n di cau ndíndi Efadayimmu kœbe,
 kè di n dii timátì n cε imœu,
 ke n nínnè Kuyie ncīètè miēkoo.

⁹ Di fiúkú mεyεi mmieke nke weti weti,
 di do bo Kibea ke dòmmè, kù í yè ndi yei.

Kuyie n yóó mè ndi yietímu.

Kuyie nyèmmè cààrèhèmè ku nìtìbè

¹⁰ Kè ti Yìè nKuyie mbéi nkè dò:

N do yà Isidayeeribe meketimè mònñi,
kè bè ndònnè fínyĩ kó mutie mùù còmúmú dikpáà mu
kó yèbe nye.

N do yà be yembè kè bè ndònnè fikíè kó yetebe
yedaaayè nye, yèè bi kè yè mònñi mu nyí tùðke.

Kè bèè tuàkení Baadi-Peəə, bè de nfíé dibəə yèiri
Baadi

kédəə isəke kpere, kénáá mbe mómməmbə isəke,
kédontenè be bəə.

¹¹ Díndi Isidayeeribe di kó disānni bo puù tenòtè
tēmè

kupeitoo ténke í yó mbo,
bè báá yà opəupómpúò ndi cuokè,
onitipòkù báá cóúté tipəutì.

¹² Bá kè bè peité ibí,
m bo ì kùə bá ì mu nyí naá mbenitibè.

M bo bè dèténè dii mònñi, bè bo yà.

¹³ Isidayeeribe do dònñè mupuommu mùù fííkú
ketensààkè mùmmu
di mmònñi kè bèè né kərìnè be bí bekòùbè borè.

¹⁴ Mēmme kè ti Yìè nKuyie npāānāāhntì nāāhntòò bēi
nkè dò:

Ti Yìè nKuyie nha bo dəə ba Isidayeeribe?

Duó nkè be pobè mpuo nkè ti duóní,
mante be mēmiè.

¹⁵ Kè Kuyie nyíé ké bēi nkè dò:

N yà be yei mməməu Kidikaadi nwe,
dende n ketémè m bo bè pēmme,

be dɔ̀r̀r̀m̀è yɛimɛ kpéí,
 n yóó bè bètimu n cīètè,
 n ténke í yó mbè dó.
 Bɛ kó bɛkpààtìbè bɛmɔu òmɔu í yie n kpɛti.
 16 Mî ãnné tɛnɔ̀t̀è Isidayɛɛribɛ,
 bɛ cīɛ nkpeímu, bè ténke báá pɛité yɛbɛ,
 bá kè bè pobè pié,
 m bo duónko mutenkũũ nkè mùu kuɔ bɛ bí bè dó ì
 i béntì.

17 Ti Yiè nKuyie m pĩ nkùu kó mutõmmú,
 kù bè yetɛmu kɛ yé bè í yiemmmè ku kpɛti,
 bè yóó nhãante ibotí tɛi miɛkɛ nkɛ.

10

*Kuyie ncónnèmè Isidayɛɛribɛ kó mubɔɔféu kɛ pòntɛ
 bɛ kpààtiyuu*

1 Isidayɛɛribɛ do dònne fínyĩ kó mutie sààmù mmu,
 kɛ pɛi mɛsàà, bè pɛité dìi mònni kɛ sũũ,
 nkɛ maá yɛwũõt̀t̀r̀è péu,
 bè m̀ò̀t̀t̀ɛ dìi mònni bɛ kpɛɛɛ,
 kɛ fííkú yɛbɔɔt̀t̀r̀è kɛ nyè sà̀r̀i.

2 Bè tu mɛyèmmè mèdémè yembè mbɛ,
 bè mɛ nyóó yàmu bàmbà mbɛ yɛi nkó tiyɛti,
 mí mbɛ Yiè nKuyie mîi mómumu nyóó puɔ mbɛ
 bɔɔwũõt̀t̀r̀è

kébóké bɛ bɔɔt̀t̀r̀è.
 3 Dɛ m̀ò̀ǹǹi bè bo yĩ: Ti í m̀ə̀kɛ okpààti,
 kɛ yé ti í m̀ə̀kɛmè ti Yiè nKuyie nkó kufɔ̀wáá.
 Bá kè ti do m̀ə̀kɛ okpààti ò bo ti dɔ̀ɔ̀ bɔ?

4 Bè nàà ndɛtɛtìrè ndɛ kɛ pariku kɛ né soú,
 kɛ dɔ̀r̀r̀inè bɛtɔ̀bè mɛtaummè.

Kè tiyáàbìsibeénti sũũ ke kòu
fetùòrìfè ã ã yèmè kupẽ nyĩnkè
kè fè dõmmèe kuò mètè botí tidiiti.

⁵ Sammarii èi kòbe yĩkù fesoómátìnààfè,
fètè bo Beti-Afenni fè kpéí,
kòo nìtìbè kuó nyekúdabùò
kè ikuó nìùbèe kuó ntinõnnièti.
Fesoómátìnààfè wẽrímú dèitemu kè bè fè iténè.

⁶ Bè bo fè kònnè Asidii ké fè pã okpààti dièwè.
Ifèi bo pĩ nhEfadaimmu kòbe de mònni.
Bembè Isidayeeribè bè bo demmu bè borè ke tũnnè
de kó kucè.

⁷ Sammarii èi kperè dèèmu nè di kóo kpààti,
o kperè dònne ticádèncáúti ã ã yentémè mme dibinni
mièke.

⁸ Beti-Afenni kó yebòwũõtòrè yèè do te kè bè dòòri
meyei,

yè bo può ntìpoti nè tisãmpoti kè dèe yè dàtinné,
de yiè bè bo nnáá nyetārè ke tú:

Ti kãánnè, ke nnáá sitãã ke tú:

Donnènni ti ìnkè ke tí yãke.

Isidayeeribè buótí dè, bè yóó de nkãũ

⁹ Mèmmè kè Kuyie nni mbéinnè ke dò:
Isidayeeribè do bo Kibea nwe kédòò meyei.

Nè yiènni ke sòké ke mè dòòri,
dè wennimu ke dò mbètè bè do mudoò weè Kibea
mièke bakè.

¹⁰ N yitè ke còmmúmu ke bo bè kpannè.
Ibotí imòu bo wènné ké bè tié mmeyei mmedé bè dòò
mè kpéí.

¹¹ Isidayeeribè dònne dinaaseri ndi bè tũnte di,

ke di na ndi tōmmú mesàà nke puotì tidiiti,
 kè n yà de kó dinaasèrì fǒnǐí wennimè,
 kè di buú nyenaa kǎ kó kudǔ,
 kè Sudaa kǎbe bo nduò
 kè Isidayeeribe pùò nyedombie.

¹² Buatínè dèè tu mewetímmè kperè,
 kékǔ yébe yèè tu n kó mesàà.

Sēīnè kupaku pánkù,
 dè tǔðkemu ke dò di n wammú mí ndi Yìè nKuyie,
 kénkémmúnè m bo cǔũnkomè n kó mesàà ndi ñnkè.

¹³ Di buotí kuyonku nku ke kǔ mēyi,
 di yáàbìsì di peité dè di de nyo.

Di do tá di mómmbembe di kó muwērímú mmu
 nè di āpòmbè sūmè.

¹⁴ Nè de kpéí nkunǎròò bo ānné di nìtìbè cuokè.
 Kè di ekè yekperè iduotí fité yèe puo.

Sadimanni do pònte mēè botí Bèti-Adibenni mudòò
 mièke,

kékuo tibíyǎtì nè ti bí, di kperè yó mme ndò.

¹⁵ Dèè yóó di tuǎkení díndi Isidayeeribe,
 di yonku diékù di dǎò dè Beteedi de kpéí nke,
 dè bo nyóó wenté ke di kóo kpààtì kperè dèèmu.

11

Kuyie ndómè ku kǎbe bá bè í banté

¹ Kè Kuyie mbéi nke dǎ:

N dǎke Isidayeeribe nè be bíkémbénti nti,
 ké bè yu bembe bèè tu m bí,
 ké bè dènnè Esibiti.

² Kè nní mbè yu kè bè n dētìrìnè,
 ke feu dibǎò Baadi ke tuò nsitenkaanì tihúúntì.

³ Mī mómmuo n do benke Isidayeeribe mucèmmu,

ké mbè ùúkú nè m baà
 bè mε nyí banté κε dò m bè yùòrì.

⁴ Kè m bẹ̀ nì megòmmè kẹ̀ bẹ̀ dọ̀ mediẹ̀.

Ƙe bɛ yùàrì obíyùàrì ð ntámè ɗɛbire kɛ dɛ wáàrì,
kɛ dɛ duò ntidiitì.

⁵ Isidayεεriβε mè nyetεmè bè bo wētenímè m borè,
bè í wēti Esibiti, Asidii kóo kpààti weè yó mbè te.

⁶ Mudoò muù yó mbo be èi,
dèmarè í yó mbo dèè bo mù cónné,
bè tãátè ti kó mucóntimu mmu dèndè.

7 N nìtìbè m bùtínnému páíí,
kè m bo kẹ́nkè kẹ̀ bè yu
bá bè kòò mọ̀u í dọ́ kẹ́ ínní o yuu,

8 M báá na ké di yóu díndi Isidayεεribε!
Isidayεεribε m báá na ké di bɔntóo,
m báá na ké di yóu n dɔ̀̀mè Adima,
m báá na ké di dɔ̀̀ n yĩmè Seboimmu kó yεhεkè,
n yèmmè mεε cààrè kè mεsémmè m pĩ ndi kpéí.

9 N yí yóó yóu kè m miεε di yè dín¹di Isidayεεribε,
 n yεmmè í yie m bo di kuəmè,
 n tú Kuyie nku n yí tú onìtì,
 n tú Kuyie nku kε dò mpáí páí,
 n yí yóó yóu kè m miεεε di yè kétonté.

10 N nùtìbè bè do pĩrnmú bè kékònnè yehakè tɛyɛ,
bè wɛtinímu, mí mbɛ Yiè nKuyie nkè m bo mbè ni,
kè kontí dicírícìrì tɛmè kè bè tũ.
Bɛ bí bo yènní diyìè taà kèè bíékè
kénkpeutí kékòtɛnì m borè.

11 Bè itinímu Esibiti sikpàncéndéi kōme.
Ke itiní Asidii yekpetinónkperε tēmè,
kè m bo bè tannè be cǣ miεke kè bè mbo.

Mí ndi Yìè nKuyie m mû búi.

12

Isidayeeribe tumè siyààbìsí yembè

¹ Kè Kuyie mbéi nke dò:

Isidayeeribe n sũnnè siyààbìsí nsi,

Isidayeeribe n ciĩmmu,

kè Sudaa kòbe bèè kpáá ke n taunè

ke dɔɔri n dó dè sǎǎ mí nKuyie,

kùù dò mpáí páí.

² Isidayeeribe dii mækùò nhEsibiti kòbe

ke waa ntii népoti dònne kuyaakù nku,

bè dɔɔrinè Asidii kòbe mèè taummè

dònne diyie yiení kèè bíékè kó kuyaatonnikù nku.

Bè sũ siyààbìsí nsi nè mucaàrìmù.

³ Mí ndi Yìè nKuyie, nnè Sudaa kòbe ti mọke tináaànti
nti,

m mieke kèè yè Sakɔbu yaàbí,

kè n yóó bè poté ké bè yietí be yei.

⁴ Be yààrì Sakɔbu do kpáá o yǎ pouti mieke nke

kécɔuté o kóo kótì fǔtìrì.

O kòté dii mǎnni kémanè mí nKuyie,

⁵ kémanè n tǎnni kè dii ò na kòo kuó nké di bàntè

dé kó difǎnkúò kòo m mǎánè Betɛɛdi kè tí nnáá.

⁶ Mí ndi Yìè nKuyie m mû yètìrì tu Mpakɛdaa.

Bè n yu ke tú ti Yìè nKuyie nku.

⁷ Fǎ nSakɔbu a wétinímu m borè,

á nnitì ke dɔɔri dèè sìé,

ké nni mbuó mí nha Yìè nKuyie mmû da te.

⁸ Kannahǎa kòbe tǎ siyààbìsíbièpéé nsi,

ke nǎnnè bè bo ciitémè otòù kédi.

9 Kè Isidayeeri kòbe náá nke tú ti kpàrikèmu
ke m̀òtè ti kperè mediè.

Ti pĩ mmutõmmú mmu ke cõntè dè í tú m̄eyi.

10 Mí ndi Yìè nKuyie mm̄i di te nè di do bomè
Esibiti,

n w̄eti ke bo di d̀òò b̄ecièmbè mb̄e.

Kè di nh̄a titouti mīeke,

di do ò ndòmmè titouti kó yebaa mm̄eke.

11 D̄e m̀onn̄i m bo duó n náaant̄i m p̄ãñáaant̄i
náam̄bè,

kè b̄e benke m̄eben̄kùm̄e p̄eu

m bo duó nkè m p̄ãñáaant̄i náam̄bè nnáá
nyenáaanh̄ant̄iyè.

12 Kadaadi èi kòbe tú m̄eyi ndò̀rìbè móm̄mm̄ombe
mb̄e,

d̄e te kè b̄e náá nd̄et̄et̄irè,

b̄e feu yenaadakè nye s̄áã Kidikaadi,

kè b̄e w̄ũ̀t̄òr̄è náá nyek̄òt̄è d̀òmm̄e d̄epaa mm̄eke.

13 Sakòbu do coké kékòt̄e Aramu nwe,
Isidayeeri d̄e mp̄i mmutõmmú onitipòkù kp̄éi,
Onitipòkù kp̄éi nke ò d̀òmm̄e omáá opec̄enti.

14 Mí ndi Yìè nKuyie n do t̄õnko m p̄ãñáaant̄i náaant̄ò
nwe

kòo b̄e d̄enn̄e Esibiti,

kè n duó nkè w̄èe mb̄e ni

15 Isidayeeri b̄e n càar̄e mediè mm̄e mí mb̄e Yìè
nKuyie.

N yóó b̄e yiet̄ímu menitiȳĩ b̄e còúmm̄e,

kè b̄e f̀òó mb̄e ȳei.

13

Kuyie m̄potém̄e ku n̄it̄ib̄e b̄e kù yet̄e m̄èè kp̄éi

1 Kè ti Yìè nKuyie mb̄éi nke d̀ò:

Efadaïmmu wuə nkəbe do ɔ nnáá nkè benìtìbè
kpeutímu,

bè do tú benitidièbè mbè Isidayeeribè mièkè,
kè né sãũ mbemáà nè dibəð Baadi kè ku.

² Nè yíenní kè di kpaá səké kè dɔəri meyei,
kè yienko timátì péitì kè máátí sitenkaanì,
kè tóú timátì péitì kè dɔəri sitenkaanì di dómè,
Dendé kó dimàà díi dè dɔ̀nè di nou kè né sɪ wààrì,
kè náá nditəbè kè sɪ feu inààkè.

³ Dèè kpéi nte kè di yóó yote timaàntì tēmè,
kuyaa kù ɔ́ túbóté mɛ̀ botí kufãàkperíkù,
kuyukù ɔ́ yèmè tɛcádopòtè.

⁴ Díndi Isidayeeribè, nè di yèmè Esibiti mĩ di te,
n kó difɔ̀nkúò di Yìè nKuyie ntekù í bo di yĩ́tɛ́ kù,
n kó difɔ̀nkúò odɛɛtíwè tɔ̀u mɔ̀u í bo.

⁵ Mĩ do di bonè dikpáà tɛdɔ̀ntè mièkè,
kutayietí mièkè.

⁶ Di tùə́kè díi mɔ̀nnì ketensààkè kédi kénsànnè,
di di díi mɔ̀nnì kè dɛ,
kè mɔ̀tɛ tɛfentè kè n yɛ́.

⁷ Mɛ̀nɛ n naámmè di kpéi ndicírìcìrì,
n sã́áténè dimannì ndi,
kè okè kuçɛ kè di díí.

⁸ N yóó dí do kumuntonkù kùu mɔ̀nté ku bí ku
kɔ́mɛ mɛ,
m bo di kɛ́tɛ kucírìcìrìyɔ̀kù tēmè.
Musĩmmù bo di yəure.

⁹ Isidayeeribè di kúmu,
di í n dó mɛ̀ kpéi
mĩ máà na nna kè di teènnè.

¹⁰ Di kóo kpààtì í yie bore ɔ̀ bo di teènnèmè?
Yé di kó bènnùbè íbiɛ?

Di do m békú ke tú n di duó nwèè kpààtì nè bèè
nìùbè?

11 M miεke κεè do yènní kè n di duó ndε kó
bεkpààtìbè

kè bè dòò dèè í wenni kè dè n yonke kè m bè dèite.

12 N cūś Isidayεεriβε kó meyei n dεukù nku,
m me sònnε dìi sòrì mè báá na kέyè.

13 Kuyonku kùù bo di pĩ,
kù bo ndònnè kupεitέyonku ðð pĩmmè onitipòkù.
Deβiρε di púó ndè me ntú dibíyeìnnì ndi,
dè í dó kέyènní.

14 N yí yóó di δεεténè kudònkù,
n yí yóó di δεεténè mukũũ.
Mukũũ nyé a kpàrinεntì?
Kudòukù yé a wérímú mùù kòù?

15 Mesémme ténke í n tókénè.
Bá nè Isidayεεrì kòβε kπερε me nyiémmè o kòβε
cuokè
diyiè yèní kèè bíékè kó kuyaakperíkù kòrinímu,
kuyaakù kùù tònnì ku kèrinímu
dikpàà tεdòntè bíékè,
kè yεnébòrè bo kũũ, kè di birεε kpei.
De kó kuyaakù bo káúté di kpàtì di mòke tì,
di kπερε δεsààrè kó dimàà.

14

1 Sammarii kòβε yóó yàmu be yei nkó tiyeti,
ke yé bè n yetεmè mí mβε Yiè nKuyie nkùù bè te.
Bè bo bè fié kénau ibíbénni,
képuoti βεpoupópómβè.

*Isidayεεriβε yóó wεte kέyiémmè Kuyie nè bè yèmmè
memau*

² Kè ti Yiè nKuyie mbéinnè ku pããnáàntì náàntò ke dò:

Díndi Isidayεεribe wētenèní mí ndi Yiè nKuyie m borè,

mí nwèè di te ke yé di yei mmèè di bəmmè.

³ Wētenèní Kuyie mborè ké kù nàké ke dò:

Kuyie nha tú wèè dèi wènwe meyei,

dεite ti yei nkécəuté ti pāre

yèè tu yεsāā nti da duò nyè,

ti na nda fié ì nààke kó difòtìrì.

⁴ Asidii weè í yóó ti dεeté,

ti ténke í yóó deke sikpàrìsēĩ,

ti me nténke í yóó yĩ

sitenkaanì ti dòò sì nè ti nou

sì tu Kuyie,

Kuyie nfòò mää ðð kuó ndεciribire mesémmè.

⁵ N yóó miεkùnnemu Isidayεεribe

bε kó muməmmú muù tu bè bo n yetírímè n kpèti.

M bo bè dəke nè n yèmmè meməu,

m miεke ténke í yó mbè péi.

⁶ N yó ndò ntinémaàntì nti Isidayεεribe kpéi,

bè bo póri mutepóó tēmè,

bε cīē m bo ta ketenkè Dimaa kó dεtie nkpeyi kōme.

⁷ Bε bake bo sentè kénwenni odifìè kó ibake kōme,

kè bε pórímú kó kufòòku ndònnè Dimaa kó dεtie nkəku.

⁸ Bè wētinímu ke bo díéké n kó medéè,

kékuútì depaa nkè tidiitì ãnné,

kè bèe póri fínyĩ kó mutie nkōme,

kè bε yètìrì feitè Dimaa èi kó mēnaà nkperi dòmmè.

⁹ Díndi Isidayεεribe,

di kpɛti tɛ́nkɛ í bonè yɛbɔkè,
n cɔutému di báammìi, kɛ dààtɛ di kpéí,
n dònɲè mutie bè tu mù mmu sìpèrésì,
n fǎàtì í yorì, mûi borè ndɛ di yó mpéúmè yɛbɛ.

¹⁰ Di mɔkɛmu mɛyèmmè keènè di nàpátírì kó
tínáàtì,
wèè cù wèè bo ti yĩ́tɛ́,
Kuyie nkó kucɛ síému, bèè wetí kè bè kù tũ
bèè yetírì Kuyie nkɛti kè bè bètírì.

Bibiri Kuyie Nnààntì Pátíri **The Holy Bible in the Ditammari language of Benin**

copyright © 2001 SIM International

Language: Ditammari

Translation by: SIM

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-05-31

PDF generated using Haiola and XeLaTeX on 11 Nov 2022 from source files dated 1 Jun 2022

5e2d0f12-f1d8-567b-bf98-cf1de4599d16